



Crac. pub. Univ. Szell.
Promotiones Philon. Ord.
1638. 2.



Fatornia Nicolai: Iuv. virtutis et laboris.

Pozna 27 68.



ICON VIRTVTIS & LABORIS.

Venerabilibus ac Excellent. Dominis D.

V. D. VALERIANO ALMPEK.

V. D. NICOLAO SLOWIKOWSKI.

V. D. IOANNI NOSZOWSKI.

D V M

In Alma Academia Cracouien. Artium Ma-
gistri & Philosophi Doctores ritu solenni
renunciarentur.

A

NICOLAO FATOWICZ Secunda Laureæ Li-
centiato, in argumentum affectus & votorū

OFFERTVR & DEDICATVR.



SAPIENTIÆ.

Age Docti moderatrix Dea mundi.
 Cata metron variatis dare neruis:
 Duplicatis, triplicatis, geminatis, iteratis.
 Aganippe excitat undas tibi castas.
 Cata plectro cata cantu saliare.
 Generosos canat ausus famulantum Tibi Dia
 Neq; rumor populari vagus aurâ
 Neque comptæ properata vice Laudes
 Remorentur salientum chorus huc confluat om-
 Age felix pede fausto quate Tectum (nis.
 Iagelonis tibi lucet vice clara,
 Speciosus nitor aulae socialis, tenebrescet
 Vice nulla super omni vice vincens
 Nube pulsa peramænos quate Soles.
 Age sacrum speciosæ iubar aulae, comitantum
 Cane curas operosas; vigilumq;
 Studiorum statata tandem come ferta.
 Tibi Phæbus, tibi Pallas ope præsto sociatâ

Vera



1112 I

Vera Humana Claritudo.

Absiste vulgus, prepetibus modis
lactare fluxas sortis adoreas.

Occasus illis, vna & ortus
Occiduo famulatur ictu.

Non possidentem multa vocaueris.

Plenè beatum, fultus inambulet,
Exuberantum copiarum,
Diuite despiciens aceruo.

Nec qui superbos sumere spiritus
Suetus, cateruis quod generosior,
Descendat in campum petitor.
Moribus hic meliorq̃, fama.

Exaggeratis historijs licet
Ceras auorum proferat insolens.
Longè vetustâ stirpe tractâ
Per titulos memoresq̃, Fastos.

Fumosa surgant Acroceraunia
lactis in altum mollibus, aggrauct
Pondus molestum, tollet ætas
Tollet onus grauiore casu.

Mentita vultus marmora connotent.

Verbosa figat littera adores.

Non æra fumosaq; Patrum

Effigies, vitiata mutant.

Addas paternæ consilium Togæ.

Iacta repensas sanguine laureas.

Hæc te beabunt, hæc futuris

Temporibus stabiles sacrabunt.

Desideratis dignus honoribus.

Qui per negatas tentat iter vias

Per saxa, Brontes, per procellas,

Vt patriam locet in Sereno.

Qui fulgurantes ensibus & minis,

Iani furores clausit & ordinem

Dimensus est rebus, sagaci

Consilio vigil ad futura.

Hic ille Diuum munere habebitur.

Eduxit altum quem Sapientia.

Cui laurus æternos honores

Non viduanda dabit vigore.

Hæc illa

Hæc illa pulchræ laurea gloriæ
Sæui trophæum funeris effugit;
Sternit profundum fucum honorum
Excidium, seniumq; mundi.
Vt quercus altis fixa radicibus
Regi Deorum sacra, perennius
Stat, frondium venti comantum
Arida decutiunt tumultu.
Opes potentum, stemmata, purpuræ,
Præterfluentis quam breue somnij
Lucrum, fugaces venti adusta,
Curriculo rapiunt rotarum.
O quæ coruscantum atria luminum
Latè pererras & vaga syderum
Cristalla solerter reuisis
Et latebras volucris rotatus
Causæ quaternæ iurgia diuidens
Motusq; prodis fulminis ignei
Venasq; fibrarum calentes.
Missilibus radiorum acutis.

Adinuenisti tu faciem omnibus
Rebus, penes te Regula normaꝑ;
Artes & ordo, forma vitæ.

Et niucum sine cæde iustum
Pimplea regis tu moderamine
Fausto, his amicam te penetralibus
Timbræus adiunxit verendo
Aonium associans Senatui.

O Dia nostræ Præses adoreæ
Huc faustitatum septa cohortibus
Molire passus, huc amænis
Ethesijs, Zephirisq; vecta,
Descende præpes, nil sine te mei
Possunt labores, hos fidibus nouis
Hos Lesbio sacrare plectro
Teq; tuasq; decet Sorores.



ENE.

VENERABILI & EXCELLENTI

D. VALERIANO ALMPEK.

*Non profert malus sterilem sine pignore
quercum.*

Sicut Marmarici soboles animosa Leonis,
Firmior hunc si animauerit ætas.
Magna patris relegit vestigia, bella retundens,
Tygridis, alipedumq; Draconum.
Qualis vbi Phrygia Iouis armiger altus in Ida.
Non animos emasculat otii
Mollitie, semperq; nouis experitur alas
Nisibus, & latebras sinuosi,
Fulminis, obrutu præpes vestigat acuto
Stellarumq; cunas videt altas.
Fortia productunt paribus contermina metis
Fortia, terra vices neque mutat.
Das granum terræ, granum cum sænore mittit:
Piscibus, & non horruit vnquam
Fabra sagax rerum facies natura, creatis
Non variat normalq; vicesq;

Appulus

Appulus infimum leporem lupo, armigerales,
Non generant mollemq; columbam.
Præpes equus neq; tardigradum producit a sellâ
Prolestant sua semina quemq;.
Virtus si semper tantum eluctatur inhærens.
Hem virtutis imago paternæ.
Virtus magna Patris potuit quæ maxima virtus
Iudicij ingenij vberè venâ.
Virtus inassuetis circumuaga, præpete pennâ
Attingens excelsa volatu:
Iudicij scripto testatur grandia facta
LIPSIVS vt magni monumentum.
Hanc neq; iudicij, neq; degener ingenij æquis
Nisibus insequitur cito adurgens.
Quid repetam curas catenatosque labores
Consolido sublata volatu
Cum Diomedæam tua mens præteruolat artem.
Socraticos nodosque sinusq;
Cum studio vigili Sophiæ prænobilis artes
Perspicis obscurata resoluens.
Per Labyrintheos, per Gordia desmata nexūs
Nutrit quæ Dialectica pugna.

Mente

Mente petis superos, & quæ natura negabat,
Pectoris hæc oculis catus hauris.
Multum arcana petens, arcanâ mente reuifis.
Stella vagos quæcumque recursus
Exerit insignemq; polum, qui lumine in omnes
Conspicuum deriuat honorem.
Vnde oriens moriensq; dies aut cornibus vnde,
In plenum Titonia girat.
Aut quid Hyperboræ glacialis portitor Vrsæ
Hesperias cur præpes ad vndas.
Casurum fidus rursus consurgat ad ortum,
Sollicitus quæ sita rependis.
Nec Ciceronis opes auges sine diuite venâ
Duce bono, facili auspice promptus. i
Illa animo, illa tuis cesserunt munera curis;
Quæ famæ ventura sub axem.
Non finet illustris radijs tenebrescere tantis
Virtus, & immemori eximet æuo.
Fatiloquam laurum dat florescente virore.
Non laudis cariem dabit ætas.
Est arbor Phæbi viridis, frondosaq; semper
Nescia caluitij senijque,

Floreat vt florens longæuò odora racemo,
Et patriæ, votisq̃ue fauentum.
O pãtria, ô Diuum genitrix benè fæta virorum.
O nostræ nil indiga laudis.
Etiam, iamq̃; polum digitis iam vertice tangens,
Tantum alias inter caput effers.
Quantum lenta solent inter viburna cupressi.
Gaude bono, nam gemmeus ille
Crescit apex, certūq̃; Decus simul aurea crescit
Fama, Decus decori sociando.
O tibi si socios iunges vt iungis honores,
Rara erit vt societ sociandis.

VENERABILI & EXCELLENTI

D. NICOLAO SLOWIKOWSKI.

Festos dies Aganippe consensu pari
Celebremus, hic est vota qui finit mea
Honor coronarum genialibus toris
Reclinis, adsis huc, gradu propero, vocant
Te præmia stata, peruigil vocat Labor
Formosa merces metaq̃; votorum, breuis
Vitæ, laboris lucra diuidens probè

Suauiâ,

Suauia, ad ea auritam applicat vigilantiam.
Dulcedinem prudens qui spreuit illitam,
Curisque, pœnitentiæ plenissimam.
Vlyseum constantiæ robur fuit,
Tibi SLOVICOVI, qui inertim vagam
Et blandulam assentationem retpuis.
Ceras Vlysses quæsiit multiscius
Vitauit imbelles sequacium dolos
Masculus, operibus risit imbelles sonos,
Nec solus ad ceras Vlysses iam petet
Opponet ausubus moras durus labor
Hic illecebras corrigit, fugacibus
Pennis volant ab eo labor quem induruit
Spectata dexteritas labore tua super
Negotiorum mole, vt otij quies
Non sine negotio à labore solueret.
Diuisa cui probè quies reliquis sibi
Magnum leuamen posuit, & negotij
Plus ille habet, malè qui vtitur negotio,
Quam si negotium sit in negotio
Intentus operi, recti vtimum habeat iter.
Ne mole rerum ætas caloribus citis

Incáuta rueret Dædalea operâ, graui
Casta atque deperditione amabilis
Ætatis, apparat viæ subsidium.
Allisa vix vnquam nâuis remige bono
Scopulis, habens docili latus frequens manu.
Non nuda remis, integris & linteis,
Quisquis voluntatem arbitrâ imponit iugo
Tempestuosi vitat anfractus maris,
Vincet furores Africi, Noti minas.
Mollis voluptatis & inertiae luem
Portumque veræ gloriæ attinget statum:
Consilo inhærens legibus, normâ, modo
Adiutus es, curâ fideli operosius.
(Opera sed Arcadicæ iuuentæ impensior.
Pallas satum quem riserit lumine fauens.
Natura quem iuuit sagax. celer omnibus)
Iam maior annis animus, ausibus quoque
Maiora grandior, ingenium molimine
Versabat alto pectoris, varias sibi
Ponit figuras, ponit artes prouidus:
Cui gentis hærent marmora perennantia.
Insculpta factorumque vultus sospitant.

Mores

Mores simulq; auita doctrina patuit.
Ad gloriam grassatus est pari viâ
Et ne alta maiorum decora recenseam
Proferte ab urnis fata sortes gloriæ
Fama propiora duplici in æuum collocat
Lampade, Patris rutilis coruscat ignibus
Vt Arbitrum Consus dolet Iusti, dolet
Desideratum luminis solidi decus
Prudentiæ diiudicans Iustum sagax
Eloquij vt intēpesta temperans catus
Consilij in ambiguis medellâ tutior
Inaurat æuum patriæ quæ præstitit
Verbosa honestamenta dabit ætas anus
Hæc te vocassent Sors adusq; virget Decus
Patrum verendorum afeitus Senatui
Iam feriantum siderum ducit globos,
Ornamentum augustum datum est Ecclesiæ.
Suadella dulcis melleo fauor tonans
Plebem aureo Hercules sonantum colligat
Nexu catenarum, aureque attonitam trahit
Agmineq; dulci defluus, rerum sonis
Suauia recusis in prætia populum tenet.

Opes cāducas ore flumineo iacit
Hic stimulus additus SLOVICOVI tuō
Animosiori impulsui, atque his motibus
Suadam loquentis instruis Prudentiæ
Contentiosum comparans partum, graui
Molestiarum mole mercanda est prius.
Fætu illius quā dulcis adolescat seges.
Tu tot laboribus probè mercatus es.
Suadella blanda melleo decentia
Liquore labra, suavis Eloquij imbuīt
Quo te labor trahebat & vis Enthēa.
Quid vana stridulis tonas applausibus,
Nectar Grachorum melleum deprædicans.
Antiquitas supra modum suis superbiens
Quorum coaluisse in sinu matris, sonos
lactat, leporibus venustā gratiā.
Absiste terna vide fluentia flumina
Liquore, in Ecclesia Foroq̃ Academia,
Spectata sunt stupore comprobataq̃.
Dicet Forum narrabit Ecclesia suos.
Gratatur omnium fauentum Academia
Votis, studia laboriosa cogitans

Virtutum

Virtutum imaginem parē maioribus
Maiores populus semper à magno exigit
Nec flamma tantum prodit ignem lumine.
Phæbum, diem nec agens coruscus Lucifer;
Quantum priorum vim ingenii atque consilii.
Veræq; virtutis propago, hæc exprimit.
Erecta tot factis Tuis Accademia
Ornamentum & virtutis & scientiæ
Ponit super caput coronam, non dies
Infesta, non vicissitudo quam auferent
Edaxq; liuor dente degeneri petens.
Nec si velint sæuire quo noceant habent
Fortuna vires ipsa consumpsit suas.
Quam bene labor, quam vota ceciderunt tua
Hic fama clarior nitoribus iubet
Vt mole moles luce lux giret pari.

VENERABILI & EXCELLENTI

D. IOANNI NOSZOWSKI.

Vestra est ista dies, fauete Musæ,
Et tu Phæbe Pater sagaxque Pallas:

Lectæ

Letæ purpureas nouate vittas,
Comptis puniceum ligate sertum
Eoæ citius venite laurus,
Ad sint dum refero diem beatum,
Omnes quos honor est penes canendi
Vim laudabo tuam sagaciorẽ,
Industresq̃ue canam potentioris.
Sortes eloquij, liquore fluxas
Et vinctæ pede vocis & solutæ,
Curarum irrequieta quas requirit
Nisu sedulitas seueriore.

Arguius tot opum vehens onusta
Furtiuo iuuenis superbus ostro
Fuso Doride Colchicis opimus
Prædis velleris aurei, decoram
Mercedem in patriam tulit laboris,
Non grauedine ponderis caduci
Visces limina Nossovi paterna.

Phænissis auibus fugaciorem
Prædam præcipiti rota ruentem
Lucri mellis opum illitum venenis

Quæ tot mortibus atque tot periclis.

Et for-

Et formidine ventilata fortis.
Et cæca dubiâ occupatione.
Non pondus celeris vagæque fortis:
Sed pondus pretiosiore cultu,
Nos s o v i in patrium sinum refundes,
Expectata dabunt opes Honoræ,
Et vi consilij sagacioris.
Rerum diuitijs & expeditus,
Vsuque ingenioque amænior
Soluens nec facile extricata nodis,
Soluens nec facile expedita nexu.
Vel quæ Pythagoras recondit alto,
Vel quæ Sophica turba tortuosis,
Nectit nexubus, implicatq; nodis.
Nec te sufficeret legisse tanta.
Ni te sufficiat probasse tantum
Prono limite commeata virtus.
Vtrinque in niueos reficta mores
Talem Oratio scripta vita formant.
Quem recti facies, bonique norma
Optarant, benè candida probasti

Morum simplicitate, comitate,
Sereni ingenijque cordis oris
Hæc mox in Patrium sinum repones.
Expectata dabunt opes Honore,
Dotes ingenij æstimata plaris
Quam malum aureolo micans decore,
Quam vellus rutilo nitens corusco,
Quam Gangis salientis aurea vnda.
Felix heu nimium & beara tellus,
Tot iam pignoribus potens ferentum.
Tot iam ponderibus Tuorum onusta.

A. M. D. G. B. V. M. H.

C R A C O V I Æ,

*In Officina Matthiæ Andreouiensis, Anno
Domini 1638.*

Bg. 1.17.

Biblioteka Jagiellońska



sidr0011943

